

BOSNA I HERCEGOVINA		БОСНА И ХЕРЦЕГОВИНА
VIJEĆE MINISTARA		САВЈЕТ МИНИСТАРА
URED PREDSEDAVAJUĆEG / PREDSEDATELJA URED KOORDINATORA ZA REFORMU JAVNE UPRAVE		КАБИНЕТ ПРЕДСЕДАВАЈУЋЕГ КАНЦЕЛАРИЈА КООРДИНАТОРА ЗА РЕФОРМУ ЈАВНЕ УПРАВЕ

Na osnovu članova 6d stav (1) i 6f stav (2) Pravilnika o izmjenama i dopunama Pravilnika o unutrašnjoj organizaciji i sistematizaciji Ureda predsjedavajućeg Vijeća ministara Bosne i Hercegovine (broj: 01-1-547/2003 od 24.12.2003. godine, broj: 01-02-1424/05 od 17.05.2005. godine i VM broj: 280/05 od 08.12.2005. godine, broj: 01-02-954/08 od 24.04.2008. godine i VM broj: 59/08 od 24.04.2008. godine, broj: 01-02-86/09 od 16.04.2009. godine, VM broj 14/2011 od 12.01.2011. godine), člana 61. Zakona o upravi („Službeni glasnik BiH“, broj 32/02), člana 19. stav 1. Zakona o budžetu institucija BiH i međunarodnih obaveza BiH za 2014. godinu („Službeni glasnik BiH“, broj 17/08) i člana 11. Pravilnika o korištenju sredstava za reprezentaciju („Službeni glasnik BiH“, broj 26/14), Koordinator za reformu javne uprave pri Uredu predsjedavajućeg Vijeća ministara BiH, donosi

P R A V I L N I K

O KORIŠTENJU SREDSTAVA ZA REPREZENTACIJU U UREDU KOORDINATORA ZA REFORMU JAVNE UPRAVE

Član 1. **(Opće odredbe)**

Ovim Pravilnikom reguliše se način korištenja budžetskih sredstava namijenjenih za usluge reprezentacije u Uredu koordinatora za reformu javne uprave pri Uredu predsjedavajućeg Vijeća ministara BiH (u daljnjem tekstu: Ured).

Član 2. **(Pojam reprezentacije)**

Pod troškovima reprezentacije podrazumijeva se pravo na korištenje sredstava za ugostiteljske usluge uposlenih u Uredu, a u vezi sa poslovima i zadacima iz djelokruga rada institucije, radi održavanja službenih i poslovnih kontakata i prijema gostiju.

Član 3. **(Troškovi reprezentacije)**

- (1) Ukupan iznos izdataka za reprezentaciju u budžetu Ureda utvrđen je u iznosu od maksimalno 4.000,00 KM na godišnjem nivou.
- (2) Troškovi reprezentacije utvrđuju se srazmjerno potrebama i u razumnim granicama.

Član 4. **(Pravo na troškove reprezentacije)**

- (1) Pravo na troškove reprezentacije ostvaruju Koordinator u iznosu do 200 KM mjesečno i



zamjenik Koordinatora u iznosu do 130 KM mjesečno.

- (2) Službenici i namještenici Ureda u opravdanim slučajevima i po ukazanoj potrebi također ostvaruju pravo na troškove reprezentacije vezano za poslovne aktivnosti, uz odobrenje Koordinatora, a iz sredstava za reprezentaciju dodijeljenih koordinatoru ili zamjeniku koordinatora utvrđenim stavom (1) ovog člana.

Član 5.
(Raspodaganje sredstvima za reprezentaciju)

Sredstvima iz člana 1. ovog Pravilnika raspolaže Koordinator.

Član 6.
(Pravdanje troškova reprezentacije)

- (1) Trošak reprezentacije ostvaren unutar Ureda pravda se ovjerenim računom uz potpis Koordinatora.
- (2) Trošak reprezentacije ostvaren izvan Ureda pravda se ovjerenim računom i specifikacijom troškova uz navođenje povoda, predstavnika institucije koja je u poslovnoj saradnji sa Uredom, te datuma učinjenog troška.

Član 7.
(Kontrola i praćenje troškova sredstava za reprezentaciju)

Kontrolu i praćenje troškova nastalih korištenjem sredstava za reprezentaciju vrši Jedinica za materijalno-finansijske i opće poslove Ureda.

Član 8.
(Korištenje sredstava reprezentacije)

Korištenje sredstava reprezentacije vrši se u visini sredstava odobrenih budžetom Ureda za ovu namjenu.

Član 9.
(Prestanak važenja)

Stupanjem na snagu ovog Pravilnika prestaje da važi Pravilnik o reprezentaciji i poklonima broj 01-02-MR-239/08 od 30.07.2008. godine.

Član 10.
(Stupanje na snagu)

Ovaj Pravilnik stupa na snagu danom donošenja i bit će objavljen na oglasnoj tabli Ureda.

Broj: 01-02-239-1/08
Datum: 29.12.2014. godine



Koordinator za reformu javne uprave

Semiha Borovac
Semiha Borovac